



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 21. De negotiatione,

[urn:nbn:de:hbz:466:1-78477](#)

quod nec tunc possit accipere duo illa, quibus minoris emit, quia totum id intelligitur pertinere ad industriam quam roganti detulit liberaliter. Nec enim censetur in ea re extraordinariam operam ponere; quam si poneret, incrementum ea proueniens sibi sumere posset. Exemplum est, si quis cum non posset pro re inuenire vltra decem, detulit eam ad alium locum distantem, ubi plus valebat: plus enim ibi vendendo, incrementum quo supererat summum illud pretium, quod potuit hic inueniri, retinere potest, tanquam fructum extraordinariae sue opera. Idemque pari ratione censendum est de eo qui iussus aliquid emere, aportaret illud ex aliquo loco distante, ubi minus valebat. Nam illud quo emit minoris quam potuisset hic emere, capere potest tanquam fructum extraordinariae opera sue.

C A P. XX.

De venditione, qua solet fieri sub hasta.

S V M M A R I V M.

- 318 Quando venditio fiat sub hasta, & leges in ea seruande.
 319 Explicatio dubij, an emptio sit eo ipso existimanda iusta, quod facta sit in subhastatione.
 320 Fraudes per quas talis venditio redditur iniusta.
 321 Quarens licet ei cuius bona venduntur sub hasta, supponere aliquem ad augendum pretium.

318.

Venditio sit sub hasta, quando publica proclamatione praconis, res exponitur venalis autoritate legis, vel Iudicis & plus offerenti conceditur. Sunt autem certae leges in ea seruandae. Prima est, quod debeant publica voce praconis proclamationes fieri intra certum tempus, quod in reb. Fisci & Ecclesiæ definitum est iure ciuili, 20. dierum, Cod. De sacrosanctis Ecclesijs, lege Hoc ius porrectum. In alijs bonis vero est arbitrarium, id est, relictum arbitrio eorum, quoru authoritate bona ipsa venduntur; nempe tutorum, curatorum, exequitorum testamenti, vel Iudicium, ac Magistratum. Secunda est, quod res que venditur, tradi debeat plus offertentra tempus subhastationis; intra quod semper admittitur alias qui plus offerat, primus offerens liberatur ab obligatione emendi per secundum plus offerentem: ita tamen ut semper liberi possit denuo plus offere quantum voluerit. Tertia est, quod statim aliquis offerat pretium, obligetur etiam in conscientia dare quod obtulit, nisi aliis plus offerat infra tempus subhastationis. Quarta est, quod res que venditur, possit dari minus offerenti, propter faciliorum, vel vtiliorem pretij solutionem, seu quia magis idonei est quis ad solendum. Si vero pluras simul concurrent aquæ idonei, ac tandem differentes, locis esse potest gratia, sicut in alijs venditionibus, dummodo abst. fraus, vel res diuidenda sit cuilibet pro rata.

319.

Hic occurrit dubitatio, an eo ipso, quod res venditur sub hasta, censenda sit venditi iusto pretio, ita ut statim ac rem sub hasta venditam esse acceptum est, debeamus iudicare in conscientia, venditam iusto pretio? Cui satisfieri potest, dicendo enim quidem vim esse iustissimæ editionis (quem admodum post Medinam in Cod. De rebus ref. quest. 31. vers. Similiter si merces, annot Petrus à Nauar. lib. 3. De restitutione cap. 2. n. 36.) ut licet vilius emere in subhastationibus quam currat communis estimatio fori ciuitatis; nihilominus tamen non sequi continuo, vt si res vendita sit sub hasta, eo ipso debeat censeri vendita iusto pretio, quia in talis venditione, interuenire possunt multæ fraudes, per quas peccatur contra iustitiam emendo viliori pretio, quam res vendi poterat; vnde incurrit obligatio rescindendi contractum, aut refaciendi damnum, quod exinde oriri cognoscitur. Ita enim æquitatem naturalem postulare manifestum est.

320.

COMMITTI VERO possunt tales fraudes, ex parte quidem eorum quorum autoritate bona venduntur. Primo, si tempore quo pauci sunt emptores qui pretium augeant, res exponatur venditioni. Secundo, si faciant ut merces expositæ venditioni, tradantur offerenti pretium, antequam finiat tempus subhastationis. Tertio, si scienter vitia carundem mercium occultauerint, vel tacuerint. Quarto, si alios arcerint ab offerendo, vel augendo pretio, vt res minoris e-

mantur, & tradantur, quibus ipsi volunt, amicis videlicet aut consanguineis. Quinto, si aliquos inducant ad pretium augendum, vt pluris, quam communis hominem estimatione valeant, res ipsæ vendantur.

Aduerte tamen quod si auctio fieret ex certa scientia emporum, qui ne alius rem ferat, dedita operâ pretium ita agent, vt duplo superet illud quo apud mercatores talis res emeretur, excusat sit & à peccato, & à restituitione, vt bene monet Petrus à Nauar. in seq. num. 37. quia in eo casu merito presumitur donatio incremēti: cum nec ignorantia, nec necessitas, nec vila vis, aut fraudis interueniat, ex qua id ipsum pretium solvens, iniuriam pati censetur. Et certe, vt ille que tangit, non videtur à ratione alienū, vt in hoc genere venditionis publicæ, in quo ex tepiditate emporum res ferè semper minoris venditur quam valeat, tunc pluris vendatur scienti, & volenti sic emere. Nam vt illud ad malam, ita istud ad bonam fortunā vendoris pertinere censetur. Ex parte vero emporum possunt committi fraudes. Primo, si quis eorum curer ne eius augeat pretium, vt ipse minoris emat. Secundo, si ipsi inter se conueniant, vt quisq; parum, aut nihil augeat pretium. Tertio, si quis eorum per inuidiam, vel odium, persistat in contendingo, & augendo prezzo, non uterat, fed vt alius carius emat.

SI QVÆRAS, an illi quorum bona venduntur sub hasta, male faciant inducēdo aliquem, vt pretium augeat, ne merces vendantur minoris, quam æquum sit? Respondeatur, q; si probabiliter credat res esse minoris emēdas, quam aliqui emerentur, etiam si venderentur sub hasta, non male facere in eo: quia non inducunt ut merces pluris quam deceat, sed vt iusto pretio, vendantur. Si vero inducunt ne merces minoris vendantur, quam alia similes venditæ, sunt aliquando, etiam sub hasta, vel alibi vendi solitæ male faciunt, quia pretium huiusmodi venditionis variari solet, vt recte ait Medina loco cit. paucitate, vel multitudine emporum, quam secum adferre solent tempus, & locus.

C A P. XXI.

De negotiatione.

S V M M A R I V M.

- 322 Quid & quorūplex sit negotiatio.
 323 Ea aliquando est, aliquando non est licita.
 324 Quando illicita sit ex parte materiae, & quando ex parte eorum cum quibus exercetur.
 325 Clericis & Monachis prohibita est negotiatio, nisi cohonestetur circumstantijs, & quibus.
 326 Quomodo illicita sit negotiatio ex circumstantijs loci, temporis, finis, & modi.

Negotiationis nomine significatur emptio, non quæuis, sed ea duntaxat, quæ ad reuendendum causa lucri ordinatur. Vnde qui emit ut vtratur emptis, non dicitur negotiari, nec qui emit sibi & familiae necessaria, & deinde vendit quæ supersunt: nec qui emit merces, ut familiæ suæ prodet, & n. utato consilio easdem vendit; nec qui locat propria prædia, & conduit aliena. Perinde est autem, siue quis per se, siue per alium emat ad reuendendum, ut negotiari censetur. Duplex est vero negotiatio: una, quæ res emitur, ut reuendatur non mutata, vt ea quæ emitur frumentum, ut idem per postea reuendatur. Altera est, quæ res emittur, ut reuendatur immutata per aliquam artem, ut ea quæ emittur ferrum, ut vendatur clavi: emitur lignu, ut vendatur scabellæ: emiturlana, ut vendatur pannus. Earum prior (quæ proprie est negotiatio) confunditur cum mercatura, ut patet ex Cap. Ejcisiens, dist. 88. & posterior confunditur cum artificio.

Porro quod de negotiacione occurrit hoc loco tractandum, est, an sit, vel non sit licita. Atque aliquando esse licitam, & aliquando illicitam, ac proinde ex se indifferentem, patet per illud D. Aug. relatum in Cap. Fornicari, ead. dist. fornicari hominib. semper non licet, negotiari aliquando licet. Antequa enim quis sit Ecclesiasticus, licet ei negotiari, factio iam non licet. Atque speciem turpitudinis potius quam honestatis præse ferre, D. Thom. 2.2. quæstio. 77. artic. 4. deducit ex illius

ex illius fine; qui est lucrum non habens ex se ratione honesti sed solum ut referatur ad alium finem honestum; qualis est sustentatio familiæ: quamvis, ut idem adiuv. ipsa defit Reipub. necessaria. Non enim regiones oïnes abundant omnibus, sed in quibusdam aliqua, in aliis alia reperiuntur, quorum ut fieret communicatio, necessaria fuerit negotiatio. De quibus Molina in eod. tract. 2. disput. 339. plenius.

S E P T E M B R U S vero modi sunt quibus negotiatio redditur illicita, de quibus Medina in Cod. De rebus festi. quest. 30. & Gabr. in 4. dist. 15. quest. 10 aliquanto post principium.

P R I M U S est ex parte materia, id est, rerum in quibus exercetur; nempe cum quis negotiatur reuendendo, res vendi prohibitas; ut cum quis negotiatur circa res spirituales, pura beneficia, sacramenta, officia diuina, actus iurisdictionis spiritualis, & alia eius generis: que quidem negotiatio pessima est omnium, & vocatur simonia; de qua in precedenti lib. 23. cap. 11. & sequentibus differimus. Preterea cum quis negotiatur circa res non suas, sed alienas abs se usurpatas ab eis consensu dominiorum. **TERTIUS**, cum quis negotiatur circa res virtutis in substantia, quantitate, vel qualitate, non patescere virtutem, aut non diminuto pretio res, ad modum postea exponendum. **Quarto**, cum negotiatur circa illa quæ sunt prohibita lege humana; vt asportando extra regnum, vel prouinciam, vinum, frumentum, vel alias merces a portari prohibitas legibus, aut statutis municipalibus. **Quinto**, cum negotiatur circa res, quib. emptor abilis est, vendendo contra charitatem, aut iustitiam. Quia de vide antedicta in capite 15. dubio 5. Postremo, cum negotiatur vendendo ea quibus, nemo bene vti potest, aut quibus omnes male vtiuntur: qualia sunt venena que nulli bono vniuersitatem, aut seruire possunt.

S E C U N D U S modus est ex parte eorum cum quib. quis negotiatur: vt si vendat arma aut alia ad bellum pertinentia, Turcis, & aliis infidelibus quibus oppugnant Christianos. Quod graue peccatum est, habens annexam excommunicationem referuatam in bulla cœna Domini: quam expusimus in precedenti lib. 9. de eodemque argumento. **Nauarrius** in tomo 2. suorum operum late differit, ad Cap. Ita querandam, de Iudeis.

T E R T I U S est ex parte illorum qui negotiantur, si sint Clerici vel Monachi: quibus utriusque sub intermissione anathematis interdicta est negotiatio in Cap. Cum secundum instituta. Extra ne Clerici vel Monachi: adeout mortali peccato negotiando: siquidem anathema, seu excommunicatio maior, non imponitur, nisi pro peccato mortali, ex Ca. Nemo Episcorum 11: quest. 3. Ratio vero talis prohibitionis est indecentia maxima, de qua in ca. Consequens, dist. 83. per illud, quod Dominus noster ē templo ciecit vendentes & clementes, Ioan. cap. 2. & quod Apostolus dicit in 2. ad Timoth. cap. 2. Nemo militans Deo implicat se negotiis secularibus.

A T T A M E N dantur sex circumstantia que efficiunt ut non sit mortale.

Prima; si Clericus negotians nondum ēt sacro ordine initiatius quod annotans Sylvestri in verbo Clericus 3. quest. 3. rationem afferit, quod tali sit liberum ad laicalem statum redire: non item Clericis initiatisi maioribus ordinibus, neque Monachis, etiam laicis, quos vocant conuerlos.

Secunda, si adit necessitas que Clericum vel Monachum negotiari cogat. Illa enim excusat, dummodo negotiatio non sit infamis & turpis, cuiusmodi sunt ea que referuntur in cap. 1. Extra ne Clerici vel Monachi. Hinc ex Cap. Dilecti, De decimis: si Clerici, ut ibid. 1. expressit glossa prima; aut ex alia glossa prima ad Cap. Peruenit, distinct. 86. si Monachi tam pauperes sint, ut nequeant alteri commode sustentari, quam conducendo alienos agros, de quorum fructibus partim descendendo, partim vendendo, vte necessaria sibi comparent, non consentur exercere negotiacionem prohibitam sacris canonibus, quam necessitas facit licitam.

Tertia circumstantia, si Clericus vel Monachus pupilli aut minoris cura habere cogatur ex consuetudine, vellege, ipsum adstringente, aut negotietur ad succurrendū pupillo, vel viduę, vel aliis personis miserabilibus necessitate praefisa, aut certe in rebus Ecclesiasticis ex precepto sui Episcopi.

Nam in talibus casibus non peccat: quia id illi permittitur per decretum Concilij Calcedonensis relatum in citato Ca. Peruenit.

Quarta, quam habent Sylu. & Medina locis citatis, quando negotiatio non est pura, sed mixta, que dicitur artificium, id est, quando res empta immutatur arte antequam reuenatur: ut quando emitur papyrus, & libri scripti venduntur. Cum enim inter rei emptionem & reuenditionem interuenit ars, nisi ea sit prohibita, per quam eadem res immutatur, negotiatio est Clericis ipsi licita; pro quo plures canones à Molina in iust. & iure tract. 2. disput. 42. cond. 4. referuntur. Confirmatur vero aperte ex eo, quod Auctorum cap. 18. D. Paulus Christi Apostolus & Episcopus, artem scena & toram exercuisse dicitur. Quatenus autem in tali negotiacione gabella sit soluenda, Molina in eadem disput. vers. Secundum est, declarat plenius. Sunna vero est, soluendam esse, tum quando aliquid emitur ut minutatim vñdatur, tum quando non emitur quidem, sed est fructus perceptus ex rebus propriis, qui per famulos ad id conductos immutatur ac venditur. Non esse autem soluendum, si Clerici ipsi aut Monachi per se ipsos materiam ex suis rebus perceptam immutent, ut si ex lanis fuarum ouium faciant pannū, & vendant: quia id non est negotiari, sed vendere suos fructus.

Quinta est, quam habent Sylu. & Nauar. locis memoratu, quando non per se, sed per accidentem: neque ex intentione, sed præter intentionem Clerici vel Monachi negotiantur: ut contingit cum Clericus pro annua sua prouisione, alicubi emit multum frumenti & vini, & postea cogitur inde discedere. Nam potest id ipsum frumentum & vinum reuendere sine peccato, etiam si multum lucretur.

Sexta est, quam habet Caiet, verbo Clericus, quando Clericus qui negotiatur, non est a Prelato suo monitus ut desistat: non enim peccat, saltem mortaliter, nisi interueniat aliquid scandalum, aut aliud quod laicis etiam illicitum est. Licer enim peccatum cui annexa est maior excommunicatio, sit de se mortale, tamen si excommunicatio sit solummodo cominatoria (ut est ea, de qua in ante memorato Cap. Cū secundum instituta, quam istantum incurrat, qui licet admonitus sit, ut ab aliquo actu desistat, persenerat nihilominus in eo) non est peccatum mortalis sufficiens argumentum, donecadmonito præcesserit; ut nec ante eam est sufficiens causa incurenda.

Q V A R T U S modus quo negotiationem illicitam esse contingit, est ex parte loci. Nam non licet negotiari in loco sacro, hoc est, in templo, cœmitorio, vel alijs locis diuino cuius dicatis, ex cap. 2. De ianuam. Ecclesia in 6. Et confirmatur, ex facto Domini, qui, ut refertur Matthæi cap. 21. eicit à templo vendentes & clementes. Locum habet autem hic modus, etiam si res que emuntur, & vendentur, non teneantur in ipso loco sacro, ac contrahatur tantum verbis aut scriptis: re que tradenda est existente alibi, ex Medina in ea- dem quest. 30. § Quarto redditur. Et ratio est, quia ius simpliciter prohibet, negotiations fie: in loco sacro, tanquam eas per quas (non autem per merces) in eodem loco, homines a oratione, cultuque diuino ibi perficendo distrahitur ruptione silentij: atque adeo sunt de numero eorum quæ Concilium Trident. ab Ecclesia arceri præcipit Prelatis scil. 22. in decreto de obseruandis, & euitandis in Miss. celebra-

326.

Q V I N T U S modus est ex parte temporis: nam non licet negotiari diebus festis ex Cap. primo de feris. Quanquam, ut admonet Medina in sequenti §. Quinto redditur: consuetudo in contrarium multum valet, quando iam est præscripta etiam forte malū habuerit in iti: vel multum etiam valet publica, vel priuata necessitas, que aliud exigat, prout attigit D. Thomæ 2. 2. q. 12. art. 4. ad 4. Notat autem Sotus lib. 6. De iust. & iure quest. 2. art. 2. conclus. quinta, de hac circumstantia ac etiam de præcedenti, eas de le (ut pote modici momenti) non reddere negotiacionem mortalem, nisi interueniat scandalum, aut impeditio officij diuinæ.

S E X T U S modus est ex parte finis: quia negotiari propter solum lucrum, peccatorum est, avaritia; quod sua quidem natura tantum est veniale, sed valde periculosum: quia, ut inquit Apostolus in prioria ad Timoth. cap. 6. Qui volunt diuitias fieri, incidunt in varias tentationes, laqueum diabolus.

SEPTIMVS modus est ex parte modi, quo exercetur negotiatio; nam cum in caiinteruenient perjuria, & mendacia, negotiatio peccatum est, cum nemo peieret aut mentitur sine peccato. Item quando res venditur aut emitur prelio non iusto, ut expofitum est in precedentibus, aut quando mercatores vtuntur monopolio priuata authoritate de qua re consequenter ex instituto dicendum est.

CAPUT XXII.

De monopolio.

SUMMARIUM.

- 327 Quid specialiter, quidque generaliter dicitur monopoliū, & quomodo specialiter dictum, si authoritate publica fiat, censatur licitum.
 328 Quando sit, vel non sit licitum monopolium, per quod negotiatores inter se conueniunt de non venditu mercibus, nisi pretio taxato, non arbitratu.
 329 Par iudicium de nonnullis aliis positis in vſu.
 330 Quatenus licitum sit, vel non sit monopolium, in quo negotiatores supprimunt suas merces: vi dum apparent pauciores, creas pretium illarum.
 331 Quatenus illud, in quo unus, vel pauci congerunt omnes merces certi generis, et illas pro arbitrio suo postea vendant.
 332 Impediens ne maior mercium copia adiachatur, quo modo peccet.
 333 De monopoliō emptorum; & quod ex monopolio non nascatur obligatio ad restitutionem, si iustum pretium in eo sicutur.

327. DE his agentes authores Petrus à Nauarra commemorat in lib. 3. de ref. t. cap. 2. dubit. 9. n. 77. quibus accesserunt Petrus Aragonius ad 22. q. 77. ar. 4. & de iust. & iur. tum Lud. Molina tract. 2. disput. 345. tum Lœu. Lessius lib. 2. cap. 21. dubit. 20. Monopolium autem specialiter quidem dicitur, quando unus, vel pauci efficiunt ut ipsi soli aliquod mercium genus vendant eo pretio quo libererit ipsi: generaliter vero dicitur de omni machinatione aliquorum mercatorū, qua efficiunt ut ipsi soli vel vendant certum quid, vel certe eo pretio quo voluerint, vēdant. Splex autem distinguitur dictum specialiter monopolium: unum quod sit publica autoritate, ut quando Princeps, aut Magistratus concedit alii typographo, ut solus imprimat, & vendat certum librum; vel ut talis mercator solus vendat certas merces. Alterum quod sit auctoritate priuata, ut cum mercatores inter se conspirant, ne quisquam iporum vñeat infra, vel emat supra certum pretium. Atque ut prius licitum sit, præter publicam auctoritatem requirit duas conditions, ut bene declarat Medina in Cod. Der. b. refit. quæst. 30. non precul à fine. Alteram, ut concedatur id exigente bono communī (alioquin enim contra iustitiam inferretur damnum tum emptoribus tum aliis mercatoribus) ut sit quando Repub. indiget aliquibus mercibus, quarum negotiatio damnoſa erit mercatori, nisi priuilegium ei concedatur, ut solus tales vendere possit. Alteram vero, ut auctoritate, quoque publica attenit omnibus circumstantiis taxetur ac constituant iustum pretium, nec relinquitur arbitrio eorum quibus tale priuilegium conceditur: præsertim in mercibus communiter necessariis ad commode ciuititerque viuendum; ut sunt frumentum, vñū, &c. Nam in eo daretur priuatis occasio, pro ipso arbitrio grauandi, dānque magno afficiendi Repub. & per consequens peccati mortaliter: de quo peccato Nauar. in Enchir. cap. 2. n. 92. Secus est vero in illis rebus quæ solum ad recreationem, vel luxum pertinent, iuxta antea tradita in num. 286. huius libri. Eratio est, quia in talibus nemo grauatur nisi libere volens, cui proinde non sit iniuria. Deposterior autem monopolio, quando sit, aut non sit licitum, exponitur distinetis illius variis modis.

328. PRIMVS EST, quando negotiatores inter se conueniunt de non vendendis mercibus, si certo pretio taxato pro suo arbitrio. De quo statuuntur duæ conclusiones. Prior est, aliter factum monopolium esse illicitum, quando ex illo augetur pretium rerū, & caritas inducitur: seu quando fraudulenter negotiatores inter se conueniunt ut res vendant vñ-

tra iustum pretium, etiam rigidum: & emant infra iustum pretium, etiam infimum. Hæc probatur, qui in eo est aperiata iniquitas & violentia facta Reipub. atque pernicioſum genus expilandi ciues: eo iniquius ac feceratius, quo merces in Repub. fuerint magis necessariae; ut panis, vinum, carnes, oleum, &c ideoq; iure communī in lege vñica, Cod. De monopolio, ipsum est prohibitum sub pena amissionis omnium honorum, atque perpetui exiliij. Præter peccatum autem in eo casu est obligatio ad restitutionem eius, quod contra iustitiam acceptum fuerit supra iustum pretium, aut datum infra: quandoquidem censeri non potest liberaliter donatum, sicut nec quod vñario soluitur supra forent ratione mutui.

Posterior conclusio est, istiusmodi monopolium tunc posse licitū esse, cum ideo tantum sit, ut merces iusto pretio vendantur: vel opere iusta mercede locentur. Huius ratio est, quod quando negotiatores non alia de causa inter se conueniant, quam ut pretio iusto res suas vendant, nihil de ipsarum valore amittendo: nec artifices alia de causa, quæ vel locent iusta mercede operas suas, & vendant opera sue artis pretio iusto inter ipsos constituto, per quod non inducunt caritatem, nec Repub. aut priuatum aliquem laudent: sed solum industria & diligentia viuentur, & ipsi iusto pretio solum vel vendant, neque in vendendo cogantur pretij voluntatem subire, vel in emendo grauari pretij incremento. Quia in re censendi non sunt peccare, cum nulli inferant iniuriam.

Idem quoque eadem ratione dicendum est de illis qui in publica licitatione rogant amicos, ne plus certa quantitate dent, ut ipsi rem quam venalis proponi, habere possint pro iusto pretio: quia hoc, etiam si de tantummodo infimū pretium, non est rem emere minoris quam valeat, nec alios vi auctem impedit ne augent. Dicendum item est idem eadem ratione de iis qui volentes emere officium, aut vñigalia, vel prouentus alios conducere, rogant cæteros emptores vel conductores, ne plus dent quam iustum illud pretium quod offerunt. Sed quamvis non peccetur in his contra iustitiam, peccari potest tamen contra charitatem, perinde ac cum alii non misericordiæ proximi affici.

SECUNDVS MONOPOLII MODVS EST, quando negotiatores supprimunt suas merces, nec eas vñum expoununt, ut dum pauciores apparent, crescat earum pretium. De quo hæc conclusio statuuntur. Prima, si quis merces suas exposuerit, ac deinde eas supprimat, ex eaque suppressione sequatur caritas notabiliter major, peccat contra iustitiam, & tenetur ad restitutionem. Hæc, quam habet Petrus à Nauar. in citata dubit. 9. num. 82. probatur: quia hoc ipso, quod merces illas exposuit venditioni, Repub. ius habet emendi eis pretio, quod spectata mercium copia iustum censetur. Ergo iniuriam infert ciuiibus, dum supprimendo illas, facit ut pluriſtimentur, pretiūque augeatur. Nec est quod opponatur, ipsum iure suo uti suprimendo rem suam: perinde ac uteretur mutando simpliciter animum vendendi; aut donando gratis rem suam, vel eam transferendo alio, aut citâ eam defruendo. Nam proposita conclusionis vis non est in eo posita, ut negetur illum qui rem animo vendendi aduexit, eamque venalem exposuit, posse postea eandem non vendere: sed ut affirmetur quod si subtrahendo merces venales, caritatem iniuste inducat, efficiens ut res quæ tunc profant venales, pluriſtimentur, ob earum quæ appetit in opere: non possit maius pretium exigere quam accepisset, si non absconcisset; quia censetur per vim fraudulenter illatum Repub. (que dicitur ius habuit illum coh. ndi, ac etiam puniendo tanquam fibram in se nocium) illud plus accipere; & ideo ad restitutionem illius teneri, adeoq; damni quod ipsius causa ciues patenterunt, coacti emere ab aliis mercatoribus supra pretium iustum. Attamen iidem alii mercatores non videntur teneri ad restitutionem incrementi quod accepérunt supra pretium illud, quod fine tali fraude existimatū est iustum. Namque vendiderunt pretio currente, quod iustum existimatū spectata paucitate rerum quæ venales exponebantur, proueniente ex iniqua alterius suppressione, quæ non fuerit in iporum protestate, nec sint eis cooperati.

Secunda conclusio. Si ex suppressione non sequatur maior caritas, ut cum quis paucas merces habet, aut talium magna copia est in ciuitate; non peccatur contra iustitiam ab eo,

qui